



V.M.

AD SERENISS: PRINCIPEM,
AC D. D. MASSIMILIANVM.
COMITEM PALATINVM, RHENI.

Bauariæ vtriusq; Ducem,

Dominum meum Clementissimum ..



On miraberis (*opinor*) Serenissime Princeps, quod hasce ad te
mittam cantiones, inclito nomine tuo decoratas: quippe qui me
tui ac totius Serenissimæ Familiae tuae longè obseruantissimum
esse, cum ex aliorum sermone, tum verò etiam ex me ipso nuper
intellexisti. Colui equidem te iam inde à multis annis. vehemen-
ter, clarissima virtutum tuarum fama adductus: Verùm cum non
ita pridem in hac aula Sereniss. Principis mei, te hospitem vt
longè nobilissimum, ita omnibus exoptatissimum, non sine ingen-
ti admiratione summæ venustatis, dignitatisq; oris ac corporis
sui vidisse, tuq; me humanitate, ac clementia singulari complexus esses, dici non potest, quam
ardenti incensus illicet fuerim desiderio, obseruantiam tibi meam; ac deuotam animi volunta-
tem quoquo modo testificandi, probandiq; Quis enim gratiam sibi eius Principis demererit om-
ni officiorum genere non conetur, qui cum summo generis splendore, pietatis, atq; omnis vir-
utis studium, ita coniunxit, vt singulari Dei beneficio, ad Rem publicam Christianam iuuandam,
tuendamq; natus videatur? Sapientissimum verò ac penè diuinum consilium illud fuit,
Serenissimi Parentis tui, Principis siue religionem spectes, siue virtutem, plane incomparabi-
lis, quo te vna cum Serenissimis Fratribus tuis in Italiā misit, primū vt sacrorum Princi-
pem, Christi in terris Vicarium, coram venerareris, plurimaq; loca sacra relligiosè viseres,
deinde